

Broj: 13/06-3-45-1-551-4/23 S.O.K.
Sarajevo, 04.10.2023. godine

Udruženje "Centar za razvoj medija i analize"
Radićeva 2
71000 Sarajevo
ugcrma@gmail.com
pratimotendere.ba@gmail.com

PREDMET: Demantij i zahtjev za ispravku u dijelu detalja i utvrđenog rizika, dostavlja se

Veza: Vaša objava – Odgovor Portala Pratimo tendere od 29.09.2023. godine

Dana 29.09.2023. godine putem Email-a smo zaprimili Vaš pregled analize postupaka javnih nabavki za period 28.09.2023. - 29.09.2023. godine, gdje se između ostalih, nalazi i Vaša analiza osam postupaka javnih nabavki Porezne uprave Federacije BiH, od čega 5 postupaka javnih nabavki koji su okarakterisani kako slijedi:

1. Nabavka kompjuterske opreme i potrepština za organizacione jedinice Porezne uprave Federacije BiH s oznakom „*Visok stepen rizika*“ zbog Planiranja i objave javne nabavke za svaki od 5 Lotova;
2. Usluge servisiranja, popravke i održavanja službenih motornih vozila s oznakom „*Srednji stepen rizika*“, za oba Lota i to zbog pripremanja tenderske dokumentacije koja je označena crvenom zastavicom za Lot 1, te pripremanja tenderske dokumentacije i evaluacije ponuda koje su označene crvenom zastavicom za Lot 2;
3. Nabavka i isporuka sredstava za čišćenje i održavanje lične higijene s oznakom „*Srednji stepen rizika*“, zbog evaluacije ponuda za Lotove 1, 2 i 3.;
4. Nabavka, isporuka i ugradnja klima uređaja za potrebe organizacionih jedinica Porezne uprave Federacije BiH s oznakom „*Visok stepen rizika*“ zbog planiranja i objave javne nabavke za svaki od 10 Lotova.;
5. Nabavka, isporuka i ugradnja mrežno/komunikacijske opreme za organizacione jedinice Porezne uprave Federacije BiH s oznakom „*Srednji stepen rizika*“, zbog evaluacije ponuda.

Obzirom da Porezna uprava Federacije BiH promptno reaguje, putem demnatija, na objavu netačnih informacija i navoda, kojom prilikom svaki put naglašavamo da Porezna uprava Federacije BiH podržava zakonit i transparentan rad i da uvijek stoji na raspolaganju za sva pitanja ili nejasnoće, a s ciljem otklanjanja bilo kakvih dezinformacija iz djelokruga rada i nadležnosti ovog Organa, što je bio i slučaj sa Vašim cijenjenim Portalom, žalosti nas što ste i ovoga puta ishitreno objavili predmetne postupke javnih nabavki, bez da ste prethodno provjerili ili bar pokušali provjeriti objavljene navode.

Ovim putem želimo da Vas informišemo, a vezano za objavljene postupke javnih nabavki Porezne uprave Federacije BiH, o sljedećem:

1. Na osnovu ukazane potrebe i planirane javne nabavke iz Plana javnih nabavki Porezne uprave Federacije BiH za 2023. godinu, broj: 13/06-3-11-32-278/23 od 08.02.2023. godine, redni broj iz Plana: 5. i Plana javnih nabavki Federalnog ministarstva finansija/finansija redni broj: 21. u čijem sastavu se na Portalu objavljuje Plan javnih nabavki Porezne uprave Federacije BiH, Odlukom direktora Porezne uprave Federacije BiH na zahtjev svih organizacionih jedinica Središnjeg ureda Sarajevo i Kantonalnih poreznih ureda, broj: 13/06-3-11-30-400/2023 od 27.02.2023. godine, pokrenut je

otvoreni postupak javne nabavke „Nabavka kompjuterske opreme i potrepština za organizacione jedinice Porezne uprave Federacije BiH“ (po LOT-ovima – ukupno 5 lotova). **Dakle nabavka planirana i pokrenuta u skladu sa Zakonom o javnim nabavkama.**

2. Na osnovu ukazane potrebe i planirane javne nabavke iz Plana javnih nabavki Porezne uprave Federacije BiH za 2023. godinu, broj: 13/06-3-11-32-278/23 od 08.02.2023. godine, redni broj iz Plana: 45. i Plana javnih nabavki Federalnog ministarstva finansija/finansija u čijem sastavu se na Portalu objavljuje Plan javnih nabavki Porezne uprave Federacije BiH, redni broj 34., Odlukom direktora Porezne uprave Federacije BiH, broj: 13/06-3-11-30-511/2023 od 24.03.2023. godine, a na zahtjev organizacionih jedinica, pokrenut je postupak javne nabavke usluge „Usluge servisiranja, popravke i održavanja službenih motornih vozila – LOT 1 – Usluge servisiranja, popravke i održavanja službenih motornih vozila Kantonalnog poreznog ureda Livno“ i LOT 2 – Usluge servisiranja, popravke i održavanja službenih motornih vozila Kantonalnog poreznog ureda Sarajevo, s predviđenim zaključenjem Okvirnog sporazuma sa jednim ponuđačem na period od 2 (dvije) godine (period 2023. – 2024. godine), putem konkurentskog zahtjeva za dostavu ponuda, i to na procijenjenu vrijednost predmetne javne nabavke.

Obavještenje o nabavci, broj: 1415-7-2-31-3-53/23 je objavljeno na portalu javnih nabavki 27.03.2023. godine, a Sažetak obavještenja o nabavci objavljen je u „Službenom glasniku BiH“, broj: 22/23 od 31.03.2023. godine, u skladu sa odredbama člana 11. stav 8. u vezi sa članom 6. stav 3. i stav 4. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj: 80/22 od 9.12.2022. godine).

Prema Izvještaju o preuzimanju tenderske dokumentacije od strane ponuđača, tendersku dokumentaciju sa Portala javnih nabavki od datuma objave 27.03.2023. godine, zaključno sa krajnjim datumom preuzimanja tenderske dokumentacije je preuzelo 15 (petnaest) potencijalnih ponuđača.

Za vrijeme objave predmetnog postupka na portalu javnih nabavki potencijalni ponuđači su tražili pojašnjenja tenderske dokumentacije do datuma do koga je bilo dozvoljeno postavljanje pitanja na Portalu odnosno do 07.04.2023. godine, a na koja je Ugovorni organ pravovremeno u skladu sa članom 56. Zakona o javnim nabavkama dao odgovore, nakon čega je tenderska dokumentacija postala konačna i obavezujuća za ponuđače i Ugovorni organ u smislu člana 101. stav 7) Zakona o javnim nabavkama. Evaluacija ponuda i izbor najpovoljnijeg ponuđača izvršeni su u skladu sa Zakonom o javnim nabavkama, podzakonskim aktima, tenderskom dokumentacijom i internim aktima.

Na tendersku dokumentaciju nije izjavljena žalba, te je nejasno po kom osnovu je dodijeljena crvena zastavica za pripremu tenderske dokumentacije na oba Lota u ovom postupku javne nabavke, kao i na evaluaciju ponuda u LOT-u 2 obzirom da u predmetnom postupku javne nabavke nije izjavljena žalba na Odluku o izboru najpovoljnijeg ponuđača. Molimo Vas da argumentovano obrazložite Vašu ocjenu predmetnog postupka obzirom da crvena zastavica označava postupke javnih nabavki u kojima su identifikovana kršenja zakona, narušavanje transparentnosti i koruptivni elementi.

3. Na osnovu ukazane potrebe i planirane javne nabavke iz Plana javnih nabavki Porezne uprave Federacije BiH za 2023. godinu, broj: 13/06-3-11-32-278/23 od 08.02.2023. godine, redni broj iz Plana: 21. i Plana javnih nabavki Federalnog ministarstva finansija/finansija u čijem sastavu je na Portalu javnih nabavki objavljen Plan javnih nabavki Porezne uprave Federacije BiH, redni broj: 37., Odlukom direktora Porezne uprave Federacije BiH na zahtjev organizacionih jedinica, broj: 13/06-3-11-30-561/2023

od 31.03.2023. godine pokrenut je otvoreni postupak javne nabavke „Nabavka i isporuka sredstava za čišćenje i održavanje lične higijene“ (po LOT-ovima-ukupno 11 lotova). Obavještenje o nabavci, broj: 1415-1-1-37-3-52/23 je objavljeno na portalu javnih nabavki 31.03.2023. godine i u „Službenom glasniku BiH“, broj: 24/23 od 07.04.2023. godine, a u skladu s odredbama člana 11. stav (8) u vezi sa članom 6. stav (3) i stav (4) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj: 80/22 od 9.12.2022. godine).

U skladu sa članom 14. stav (5) i članom 36. stav (4) Zakona o javnim nabavkama za predmetnu javnu nabavku Ugovorni organ je dodatno objavio i Sažetak obavještenja na engleskom jeziku na portalu javnih nabavki imajući u vidu ukupnu procijenjenu vrijednost predmetne javne nabavke.

Prema Izvještaju o preuzimanju tenderske dokumentacije od strane ponuđača, tendersku dokumentaciju sa portala Agencije za javne nabavke „e-Nabavke“, od datuma objave 31.03.2023. godine, zaključno sa krajnjim datumom preuzimanja tenderske dokumentacije je preuzelo 18 (osamnaest) potencijalnih ponuđača.

Komisija imenovana Odlukom direktora za provođenje predmetnog postupka javne nabavke je blagovremeno i pravilno izvršila javno otvaranje ponuda dana 15.05.2023. godine u 09:00^h (adresa i rok definisani tačkom IV 8. Obavještenja o nabavci i tačkom 4.10. tenderske dokumentacije) i sačinila Zapisnik o otvaranju ponuda koji je uz Zapisnik o zaprimanju ponuda odmah proslijeđen ponuđačima koji su učestvovali u predmetnom postupku javne nabavke, u skladu sa tačkom 1.3. i 1.4. predmetne tenderske dokumentacije, koje regulišu način komunikacije između Ugovornog organa i ponuđača.

Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom i internim aktima. **U predmetnom postupku javne nabavke nije izjavljena žalba na Odluku o izboru najpovoljnijeg ponuđača niti u jednom od navedenih LOT-ova, stoga molimo da argumentovano obrazložite oznaku koju ste dodijelili predmetnom postupku javne nabavke zbog evaluacije ponuda.**

4. Na osnovu ukazane potrebe i planirane javne nabavke iz Plana javnih nabavki Porezne uprave Federacije BiH za 2023. godinu, broj: 13/06-3-11-32-278/23 od 08.02.2023. godine, redni broj: 9. i redni broj: 25. iz Plana javnih nabavki Federalnog ministarstva finansija/finansija u čijem sastavu je na Portalu javnih nabavki objavljen Plan javnih nabavki Porezne uprave Federacije BiH, Odlukom direktora Porezne uprave Federacije BiH, broj: 13/06-3-11-30-636/2023 od 14.04.2023. godine, na zahtjev Kantonalnih poreznih ureda, pokrenut je otvoreni postupak javne nabavke „Nabavka, isporuka i ugradnja klima uređaja za potrebe organizacionih jedinica Porezne uprave Federacije BiH“ (po LOT-ovima – ukupno 10 lotova). **Ljubazno Vas molimo, da nam shodno Vašoj objavi, obrazložite zbog čega je predmetni postupak označen sa “Visok stepen rizika“ zbog Planiranja i objave javne nabavke i šta je po Vašem stručnom mišljenju sporno da bi ista bila okarakterisana kao takva obzirom da je ista planirana i objavljena u skladu sa Zakonom o javnim nabavkama.**
5. Na osnovu ukazane potrebe i planirane javne nabavke iz Plana javnih nabavki Porezne uprave Federacije BiH za 2023. godinu, broj: 13/06-3-11-32-278/23 od 08.02.2023. godine, redni broj iz Plana: 19. i Plana javnih nabavki Federalnog ministarstva finansija/finansija u čijem sastavu se nalazi Plan javnih nabavki Porezne uprave Federacije BiH, redni broj 35., Odlukom direktora Porezne uprave Federacije BiH, broj: 13/06-3-11-30-745/2023 od 22.05.2023. godine, pokrenut je postupak javne nabavke robe: „Nabavka, isporuka i ugradnja mrežno/komunikacijske opreme za organizacione jedinice Porezne uprave Federacije BiH“, putem konkurentskog zahtjeva za dostavu ponuda.

U skladu s članom 14a. Zakona o javnim nabavkama, prije pokretanja predmetnog postupka javne nabavke ugovorni organ je proveo provjeru tržišta u svrhu pripreme nabavke i informisanja privrednih subjekata o svojim planovima i zahtjevima u vezi s nabavkom, o čemu je sačinjena pisana zabilješka o svim radnjama i postupcima i uložena u predmet spisa

Obavještenje o nabavci, broj: 1415-7-1-57-3-82/23 je objavljeno na Portalu javnih nabavki 25.05.2023. godine, a Sažetak obavještenja o nabavci objavljen je u „Službenom glasniku BiH“, broj: 40/23 od 02.06.2023. godine, u skladu sa odredbama člana 11. stav 8. u vezi sa članom 6. stav 3. i stav 4. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki („Službeni glasnik BiH“, broj: 80/22 od 9.12.2022. godine).

Prema Izvještaju o preuzimanju tenderske dokumentacije od strane ponuđača, tendersku dokumentaciju sa Portala javnih nabavki od datuma objave 25.05.2023. godine, zaključno sa krajnjim datumom preuzimanja tenderske dokumentacije je preuzelo 27 (dvadesetsedam) potencijalnih ponuđača.

Za vrijeme objave predmetnog postupka na Portalu javnih nabavki potencijalni ponuđači su tražili pojašnjenja tenderske dokumentacije do datuma do koga je bilo dozvoljeno postavljanje pitanja na Portalu odnosno do 26.06.2023. godine, a na koja je Ugovorni organ pravovremeno u skladu sa članom 56. Zakona o javnim nabavkama dao odgovore, nakon čega je tenderska dokumentacija postala konačna i obavezujuća za ponuđače i Ugovorni organ u smislu člana 101. stav 7) Zakona o javnim nabavkama.

Komisija imenovana Odlukom direktora za provođenje predmetnog postupka javne nabavke je blagovremeno i pravilno izvršila javno otvaranje ponuda dana 29.06.2023. godine u 09:00^h (adresa i rok definisani tačkom IV 8. Obavještenja o nabavci i tačkom 4.10 tenderske dokumentacije) i sačinila Zapisnik o otvaranju ponuda koji je uz Zapisnik o zaprimanju ponuda odmah proslijeđen ponuđaču koji je učestvovao u predmetnom postupku javne nabavke, u skladu sa tačkom 1.3. i 1.4. predmetne tenderske dokumentacije, koje regulišu način komunikacije između Ugovornog organa i ponuđača.

Nakon javnog otvaranja ponude, Komisija Ugovornog organa je pristupila pregledu i ocjeni ponuda, te o tome sačinila odgovarajući zapisnik u kojem je utvrđeno sljedeće: da je blagovremeno zaprimljena 1 (jedna) ponuda u određenom krajnjem roku, da nije bilo neblagovremeno zaprimljenih ponuda; da je zaprimljena ponuda prihvatljiva u formalno pravnom, ekonomskom i tehničkom smislu i ispunjava postavljene zahtjeve Ugovornog organa definisane tenderskom dokumentacijom, te im se dozvoljava dalje učešće u postupku.

Tačkom 7. tenderske dokumentacije predmetnog postupka javne nabavke i Obavještenjem o nabavci za predmetnu javnu nabavku predviđeno je provođenje e-Aukcije u informacionom sistemu e-Nabavke. U skladu sa članom 3. stav (3) Pravilnika o uslovima i načinu korištenja e-Aukcije („Službeni glasnik BiH“, broj: 66/16) e-Aukcija se nije mogla zakazati obzirom da je primljena jedna prihvatljiva ponuda.

Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom i internim aktima.

Ljubazno Vas molimo, da nam shodno Vašoj objavi, obrazložite zbog čega je predmetni postupak označen sa “Srednji stepen rizika“ zbog evaluacije ponuda, i šta je po Vašem stručnom mišljenju sporno da bi ista bila okarakterisana kao takva, obzirom da je postupano u skladu sa Zakonom o javnim nabavkama.

Shodno naprijed navedenom, još jednom ističemo da stojimo na raspolaganju Vašem timu za sve informacije i pojašnjenja, a sve u cilju što objektivnijeg i vjerodostojnijeg informisanja javnosti. Iz Vaših ishitrenih i neprovjerenih objava se naslućuje da niste svjesni štete koju nanosite ugledu i integritetu Porezne uprave Federacije BiH. Ono što ste iz dosadašnjih demantija upućenih Vašem portalu mogli saznati jeste da se Plan javnih nabavki Porezne uprave Federacije BiH objavljuje kao sastavni dio Plana javnih nabavki Federalnog ministarstva finansija/financija, te da sve nabavke koje potpuno neosnovano klasificirate kroz određenu kategoriju rizika zbog „Planiranja i objave javne nabavke“ možete pronaći na Portalu javnih nabavki u okviru Plana javnih nabavki Federalnog ministarstva finansija/financija.


Kako smo istakli u našim ranijim demantijima, od kojih ste na posljednji potpuno izostavili Vaš bilo kakav odgovor ili reakciju, smatramo da je za objektivno izvještavanje potrebna detaljna provjera svake informacije, pa i informacija koje dolaze od zvaničnih institucija, uključujući i ovaj Organ. Uzimajući u obzir da izvještavate o domenu javnih nabavki koje su same po sebi iznimno kompleksne, istraživačko novinarstvo koje bi trebalo da koristi objektivno istinit materijal, odnosno činjenice, u ovom slučaju bi trebalo imati u svom timu i stručnjake iz oblasti javnih nabavki jer kontinuirano objavljujete neprovjerene ili nedovoljno istražene informacije odnosno dezinformacije.

Apostrofiramo da Porezna uprava Federacije BiH apsolutno podržava istraživačko novinarstvo i objektivno informisanje, te da Vam uvijek stojimo na raspolaganju za sva pitanja ili informacije.

S tim u vezi, molimo Vas da za analizirane nabavke izvršite ispravku u dijelu detalja i utvrđenog rizika.

S poštovanjem,

Dostavljeno:
- Naslovu
- a/a



DIREKTOR

Mr. sci. Serif Isović